

Kontuola

ANTZUOLA / Eguaztena / 2004eko apirilaren 76a / 197. zenbakia

KOORDINATZAILEA: Aintzane Irizar • Barrenkalea 33 20570 BERGARA • Tel.: 943 76 03 97 • Faxa: 943 76 29 77 • Posta elektronikoa: kontuola@goiena.com • Lege gordailua: SS1179/02

Udalbatzarrak 2.585.797 euroko aurrekontua onartu du 2004rako

AINTZANE IRIZAR

Aurreko asteko egubakoitzean egin zuten apirileko osoko bilkura, eta hantxe onartu zituen udalbatzarrak 2004ko aurrekontuak. Guztira, 2.585.797 euroko aurrekontua izango du aurten Udalak; iazkoarekin alderatuta, %6,7 egin du behera aurrekontuak.

EAJ-EAko zinegotzien aldeko botoekin onartu zituzten 2004ko aurrekontuak aurreko egubakoitzean. Gertu Gae plataformako kideek ere parte hartu zuten osoko bilkuran. PSE-EEko zinegotzi Elvira Kortajarena, berriz, ez zen batzarrean egon.

Aipatzekoa da behera egin dutela aurrekontuek, iazkoekin alderatuta. Beherakada hori ulertzeko, kontuan hartu behar dugu Etxebizitza eta Hirigintza batzordeak 1.245.000 euroko aurrekontua izan zuela iaz, aurtengoaren ia bikoitza. Batzorde horretatik bideratu ziren inbertsioak ere handiak izan ziren: Uzarragako zubia zabaltzeko, industrialderako lurrak erosteko eta Buztin-zuriko etxebizitzaren ingurunea kudeatzeko, besteak beste.

INBERTSIO AIPAGARRIENAK

Guztira, 619.838 euro inbertituko dituzte; aurrekontu osoaren %23,9, hain zuzen ere.

Urtero moduan, Etxebizitza eta Hirigintza batzordean egingo dituzte inbertsio handienak: 336.314 euro, hain zuzen ere, inber-



Errekaren gainezkabidearen lan batzuk egiteko, 85.000 euro inbertituko ditu Udalak.

Aurrekontuak eta inbertsioak batzordeka

BATZORDEA	AURREKONTUA	INBERTSIOA
Administrazio orokorra	349.309 €	12.682 €
Gizarte Seg. eta Sustapena	318.703 €	6.600 €
Hezkuntza	234.575 €	170.600 €
Etxebizitza eta Hirigintza	678.293 €	336.314 €
Komunitate Ongizatea	227.980 €	4.300 €
Kultura	179.503 €	32.342 €
Gazteria	46.935 €	9.500 €
Kirolak	110.955 €	39.000 €
Liburutegia	49.605 €	6.500 €
Euskara	67.706 €	—
Nekazaritza	177.046 €	2.000 €

tituko dituzte batzorde horretan.

Hona hemen 2004. urterako aurrez ikusten dituzten inbertsio aipagarrienak: erretiratuaren lokalera, 6.000 euro; haurtzaindegiaren lokalera, 170.000 euro; kaleetako hainbat lanetarako 85.000; errekararen gainezkabidearendako 85.000 euro; Gizarte Etxerako 20.000; futbol zelaiaren hainbat lan egiteko, 25.000; gazteendako lokalera, 9.500; futbol zelaiaren eta kiroldegiaren proiektuak idazteko, berriz, 5.000 euro bideratu dituzte.

LABUR

Arrolak Arantzako Zirkura egingo du irteera

Apirilaren 25ean, domeka, Arantzako Zirkura egingo du irteera Arrola Mendi Elkar-teak. Oiarzumen hasiko dute ibilaldia eta handik Artikutzara abiatuko dira, mendiz mendi. Hiruzpalau orduko ibilaldia izango da, erraz egitekoa. Gehiago ibili nahi dutenek, aukera izango dute Elkaitza eta Mendaur gailurretara igotzeko.

Apirilaren 20an, martitzena, egongo da izena emateko aukera, Arrolaren egoitzan, 19:00etatik 20:00etara. Irteera, 08:30ean izango da Herriko Plazan.

Bergarako bidea dela eta, idatzi bat Diputazioari

Bergararako bideak itxita jarraitzen duela eta, idatzi bat bidali dio Udalak Gipuzkoako Diputazioari. Udalak salatu du Diputazioak ez diela informaziorik ematen, eta era berean, bidea lehenbailehen zabaltzeko eskatzen dio. Herriarren protesta ugari jasotzen duela ere badiu Udalak.

Idatzi horretan, egunero Bergarara joan behar izaten duten antzularren egoera aipatzen du Udalak. Lehen baino zenbat kilometro gehiago egin behar izaten dugun ere azaldu dio Diputazioari bidalitako idatzian.

SUKALDEKO ALTZARIAK
Harizki

**MUEBLES
IGEA**

Sukalderako eta
bainurako altzariak
Altzari rustikoetan
espezializatuak

Zurrategi plaza 4, behe. ANTZUOLA. Tel. eta faxa 943 78 71 80

zabalo
IGELTSEROTZA

Jose Luis Zabalo

Kalegoi 9, 1. solairua
ANTZUOLA.
Tel. 943 76 60 89
Faxa: 943 76 60 14

ZAHAR BERRITZEAK:
Fatxadak
Bainugela eta sukaldea
Lokal komertzialak
Teilatuak

**Eta orain....
GREMIOEN
KOORDINAZIOA**

UDALA

Mañarieta izena jarri diote Zurrategi ondoko kale berriari

AINZANE IRIZAR

Aurreko egubakoitzeko osoko bilkuran udalbatzak erabaki zuen Zurrategi ondoko etxe berriei Mañarieta izena jartzea.

Inguru hori Maniixa edo Maniixape moduan izan da eza-guna herrian; adosatutako etxe horiek egiteko sortu zuten elkarteari Petxanima izena jarri zioten, Maniixaperi buelta emanda. Hala ere, Euskaltzaindiak esan du Maniixa izenaren jatorria dela

Mañarieta eta izen horixe jar-tzea erabaki dute.

Udalak emandako beka bati esker, herriko toponimiaren gaineko azterketa egiten dihardu Kristina Pavok; ikerketa horretan, Euskaltzaindiaren aholkularitza zerbitzuaren laguntza dauka. Hori aprobetxatuta egin da kale berriari izena jartzeko azterketa ere.

Egunotan jaso dituzte etxebizitzetako giltzak jabekide gehienek; ingurua urbanizatzea bes-

terik ez da geratzen, kale berria bukatzeko eta bizilagunak hara bizi izatera joateko.

LASTER, SAN JOSE AZPIKO ETXEAK

San Jose azpian egiten diharduten etxeek ere kale berria osatuko dute laster, eta horri ere izena jarri beharko zaio. Udalak oraindik ez du izenik erabaki, baina, eskuartean dituzte Euskaltzaindiaren hainbat proposamen: Soroaundixa eta Kaminpe izenak, hain zuen ere.



AITOR LIZARRALDE

Euskaltzaindiak esan du inguru horren jatorrizko izena Mañarieta dela.



Ipuin kontaketa saioa egin zuen Maite Toledok

Aurreko egubakoitzean, Haur Liburuaren Eguna zela eta, hainbat ekitaldi egin zituzten Udal Liburutegian. Arratsaldean ipuin kontaketa saioa izan zuten umeei. Maite Toledok *Erregearen traje berria* ipuina kontatu zien umeei. Bestalde, eskolako neska-mutikoei egindako marrazkiak ikusgai jarri zituzten, liburutegian bertan./A.I.

LABUR

Sagastiko etxebizitzaren baldintza pleguan aldaketa bat egin behar izan dute

Udalaren ekimenez Sagastin egiten diharduten etxebizitzaren baldintza pleguan aldaketa bat egin behar izan dute. Pleguan jartzen zuen 15 urteren barruan etxebizitza salduz gero, Udalak izango duela erosteko lehentasuna eta berak jarriko diola prezioa. Legeak behartuta, 10 urtera murriztu behar izan du Udalak epe hori.

Udalak begiraleak behar ditu 12 eta 14 urte bitarteko gaztetxoekin lan egiteko

12 eta 14 urte bitarteko gaztetxoendako lokal bat egokitzeko asmoa dauka Antzuolako Udalak. Lokal horretan lan egiteko begiraleak behar ditu Udalak. Begiraleek asteburutan lan egin beharko dute. Interesa dutenek udaletxera eraman beharko dituzte curriculum-ak, apirilaren 23a baino lehen. Udaletxeko bulegoen ordutegia da 08:00etatik 15:00etara.

Maiatzean trenaren gaineko erakusketa egingo dute, eta materiala batzen dabilta

Antzuolako trenbidearen eta trenaren gaineko erakusketa antolatzen dihardu Udalak. Maiatzaren 15ean zabalduko dute erakusketa, eta bi asteburutan egongo da ikusgai. Orain, erakusketa horretarako materiala batzen dihardute. Hortaz, norbaitek argazkiak edo bestelako materialik balu, udaletxera, Jone Larrañagarengana edo Iñigo Ramirez de Okarizengana jo dezake.

HERRITARREN HITZA / Ainhoa Ugarteburu · Soziologoa

Nik be bai

Gaur goizian, esate baterako, esnatu ta espiluan begiratu zara, "ah zelako itxuria daukazun!!!" Horrek dittun iliak, edo ta zelako begizuluak, ta ezpanan gainian jaixotzen hari jatana ez ta ba berriz ditzosozko bigotia izango!!! Balantzara ixo ta 3 kilo gizendu naiz Gabonetatik, ta laster "operacion bikini". Halakoetan, askok ta askok espiluari begiratzari laga egin jao, edo batzuk badira urtetan ez diranak pisatzen, badaezpada be,

Igual, batzundako oso azalekua izan leike, honetaz berba egittia, baina nik ez

daukat dudarik be emakumiok itxura fisiko egoki bat edukitzeko daukagun gogua, biharra, obseziñua, edo dana dalakua, holakotxe gauzatxotan ikusten dala. Windsoreko dukesak esaten zeban "Emakumea ez da sekula nahi adina aberats ez eta nahi beste argal", lehenengo esaldixa igual ez giñuan sinistuko, baina, bigarrena bai, ezta? Ta posible da, goizetako anekdotaxo hauek, uste dana baino



"Beti gazte ta argal egon biharra lotu egitten gaitu"

Azkenian gizarte baten bizi gara, ta begiratzen dogun moduan, begiratuak be bagara. Hala be, urte hauetan,

arazo haundixaguak gordetzia.

Danori gustatzen jaku guapuak, eta guapak nola ez, ta baita norbera be guapa ikustia. Erropa horrek, ile orrazkera horrek, baita gorputz konkretu bat edukitziak, gustua ta plazerra dakar, zeuretako ta baita bestiendako be.

androk, gauza asko egin dittugu aurreko loturetatik askatzeko, independentzia ekonomikotik hasi, ta ikasketak, sexu askatasunak, gizartian aktiboki parte hartzeko aukerak, gure egoeria hobetzen lagundu dau. Baina nere ustian, beti gazte, argal eta guapa egon biharra, badauka kontrol sozial puntu bat, lotzen gaituana. Uste dot, batzutan sinisten dogula, guapa, argal ta gazte izatiak, beste meritu guztiak baino inportantiaguak dirala, horrek ekarriko doskula arrakasta soziala, oreka emozionala ta zoriona. Neuk be sinisten dot batzutan, beraz, *mea culpa*.

KIROLA

PARTIDUAK

FUTBOLA

Apirilaren 25era arte ez dute partidurik izango herriko futbol taldeek, Aste Santuko oporraldiak direla eta.

EMAITZAK

FUTBOLA

Antzuola 3 La Salle 0 (2. erreg.)
Antzuola 2 Eibartarrak 7 (Kadeteak)

PILOTA

Elgetako lau t'erdiko txapelketa
Lagos 10 Xabier Biteri 22